



URDHËR

Nr. 108, Datë 11 /11/2014

PËR

PËRJASHTIMIN DHE REDUKTIMIN NGA TARIFA VJETORE E SHKOLLIMIT TË STUDENTËVE QË NDJEKIN PROGRAMET E STUDIMEVE ME KOHË TË PLOTË TË CIKLIT TË PARË, TË STUDENTËVE QË NDJEKIN PROGRAMET E STUDIMEVE TË CIKLIT TË DYTË "MASTER PROFESIONAL" DHE "MASTER I SHKENCAVE"/"MASTER I ARTEVE TË BUKURA" NË FAKULTETET E UNIVERSITETIT TË ARTEVE, PËR VITIN AKADEMIK 2014 - 2015

Mbështetur në ligjin nr. 9741, datë 21.05.2007 "Për arsimin e lartë në Republikën e Shqipërisë", i ndryshuar, **pika 1, pika 2**, e VKM nr.699, datë 22.10.2014, "Për përjashtimin ose reduktimin nga tarifa vjetore e shkollimit e studentëve që ndjekin programet e studimeve me kohë të plotë të ciklit të parë, programet e studimeve jouniversitare, profesionale, programet e integruara të studimeve të ciklit të dytë, si dhe programet e studimeve të ciklit të dytë "Master profesional" dhe "Master i shkencave"/ "Master i Arteve të Bukura", në institucionet publike të arsimit ta lartë, për vitin akademik 2014- 2015", **Udhëzimit nr.52**, datë 03.11.2014, "Për kriteret dhe procedurat e përzgjedhjes dhe të regjistrimit për kandidatët me statusin e ish-të dënuarit dhe të përndjekurit politik nga sistemi komunist, të verbrit, të invalidit paraplegjik dhe tetraplegjik, të jetimit, si dhe romët dhe ballkano-Egjiptianët, për programet e studimit të ciklit të dytë ma kohë të plotë, "Master Profesional" dhe "Master i Shkencave"/ "Master i Arteve të Bukura", për vitin akademik 2014-2015", nenit 39 të Statutit të Universitetit të Arteve,

URDHËROJ

1. Studentët që vijnë **nga shtresat sociale** të mëposhtme të cilët ndjekin programet e studimeve me kohë të plotë të ciklit të parë, (Bachelor), në Fakultetet e UART, për vitin akademik 2014-2015, **nuk e paguajnë tarifën e shkollimit**:
 - a) personat që nuk shikojnë/dëgjojnë;
 - b) invalidët e punës dhe fëmijët e tyre;
 - c) invalidët;
 - ç) invalidët paraplegjikë dhe tetraplegjikë dhe fëmijët e tyre;
 - d) jetimët;
 - dh) romët;
 - e) ballkano - egjiptianët;
 - ë) personi, njëri nga prindërit e të cilit është ndarë nga jeta, dhe familja, në këtë rast, përfiton ndihmë ekonomike nga njësia përkatëse e qeverisjes vendore;
 - f) ish-të dënuarit dhe të përndjekurit politikë nga sistemi komunist ose fëmijët me prindër të dënuar politikë me heqje lirie;
 - g) fëmijët e policëve dhe të ushtarakëve të Forcave të Armatosura që kanë humbur jetën ose janë plagosur për shkak të detyrës;
 - gj) të prekurit nga HIV/AIDS.



2. Studentët që vijnë **nga shtresat sociale** të mëposhtme të cilët ndjekin programet e studimeve me kohë të plotë të ciklit e dytë, "Master Profesional" ose "Master i Shkencave"/ "Master i Arteve të Bukura", në Fakultetet e UART, për vitin akademik 2014-2015, **paguajnë 50 % të tarifës vjetore të shkollimit:**
 - a) personat që nuk shikojnë/dëgjojnë;
 - b) invalidët e punës dhe fëmijët e tyre;
 - c) invalidët;
 - ç) invalidët paraplegjikë dhe tetraplegjikë dhe fëmijët e tyre;
 - d) jetimët;
 - dh) romët;
 - e) ballkano - egjiptianët;
 - ë) personi, njëri nga prindërit e të cilit është ndarë nga jeta, dhe familja, në këtë rast, përfiton ndihmë ekonomike nga njësia përkatëse e qeverisjes vendore;
 - f) ish-të dënuarit dhe të përndjekurit politikë nga sistemi komunist ose fëmijët me prindër të dënuar politikë me heqje lirie;
 - g) fëmijët e policëve dhe të ushtarakëve të Forcave të Armatosura që kanë humbur jetën ose janë plagosur për shkak të detyrës;
 - gj) të prekurit nga HIV/AIDS.
3. **Miratimi i modelit të Kërkesës** për përjashtimin ose reduktimin 50% nga tarifa vjetore e shkollimit të studentëve në UART për vitin akademik 2014 – 2015, lidhja nr.1, bashkëlidhur këtij urdhri.
4. Aplikimet përfundimtare nga studentët, që nuk e paguajnë tarifën e shkollimit ose reduktimin 50%, sipas përcaktimit të pikës 1, 2, 3, të këtij urdhri, duhet të bëhen deri në **datën 10 dhjetor 2014**, pranë Sekretarive të Fakulteteve në UART.

Procedura e aplikimit dhe urdhri i pranimit ose jo të aplikimit, **duhet të përfundojë brenda 30 ditëve.**
5. Studentët, që aplikojnë për përjashtimin ose reduktimin 50% nga tarifa vjetore e shkollimit, Kërkesën sipas modelit të miratuar, dhe dokumentacionin shoqëruar justifikues zyrtar, e dorëzojnë tek K/Sekretaret e Fakulteteve të UART.

K/Sekretaret e Fakulteteve të UART, Kërkesën e Studentit dhe dokumentacionin justifikues zyrtar, i dorëzojnë dorazi pranë degës së BNJI.
6. Dega e BNJI aplikimet e studentëve të dorëzuara nga K/Sekretaret e Fakulteteve të UART, i regjistron sipas rregullave të protokollimit, lidhja nr.2, e këtij urdhri.

Dega e BNJI mund të aktivizojë edhe punonjës të tjerë të UART, për protokollimin e aplikimeve nga studentët që kërkojnë mos pagesën e tarifës së shkollimit.
7. Dega e BNJI, aplikimet e studentëve ja dorëzon dorazi Degës Juridike, rregullisht çdo ditë por jo më vonë se 3 ditë nga dita e dorëzimit nga K/Sekretaret e Fakulteteve në UART.

Zyra e Statistikës dhe Informacionit përgatit tabelat përkatëse për të gjithë aplikantët, aplikantët përfitues ose jo, për pagesën e tarifës së shkollimit për vitin akademik 2014-2015, lidhja nr.3 e këtij urdhri.

8. Dega Juridike, përgatit projek - urdhrin e Rektorit të UART, për pranimin ose jo të aplikimit të studentëve, në vazhdimësi, brenda një kohe të arsyeshme.
Për çdo aplikant student, urdhëri për pranimin ose jo të aplikimit do të jetë i veçantë.
Kryetari i degës Juridike, e jep me shkrim plotësimin ose jo të kriterëve për përjashtimin ose jo nga tarifa e shkollimit të aplikantit student.
9. Urdhri t'u bëhet i ditur: Drejtorisë Ekonomike, Dekanëve të Fakulteteve, Zyrës së Statistikës dhe Informacionit, dhe studentit aplikant.
10. Në çdo rast, kur një aplikues student mund të ketë përfituar mos pagesën e tarifës së shkollimit për vitin akademik 2014-2015, me dokumentat shoqërues justifikues, që në të ardhmen rezultojnë jo ligjore, përgjegjësia bie mbi studentin i cili do të penalizohet sipas legjislacionit në fuqi.
11. Ky urdhër të shpallet në faqen zyrtare të Universitetit të Arteve . K/Sekretaret e Fakulteteve orientojnë studentët që të shkarkojnë **modelin e kërkesës** nga faqja zyrtare e UART www.uart.edu.al, në rubrikën "Njoftime" ose rubrikën "Student".
12. Mos aplikimi në afatet e parashikuara nga ky urdhër, mos dorëzimi i të gjitha dokumentave, sipas pikës 3 të këtij urdhëri (**modeli i kërkesës**), dhe pikës 4 të këtij urdhëri, e bën të pavlefshme aplikimin.
13. Çdo student aplikues, në rast se i refuzohet kërkesa për mos pagesën e tarifës së shkollimit, ka të drejtë të ankohet në Gjykatën Administrative të Shkallës së Parë, Tiranë.
14. Ngarkohen për zbatimin e këtij urdhër, Dekanët e Fakulteteve, Kancelari dhe Drejtorja Ekonomike, K/Sekretaret e Fakulteteve, Dega BNJI, Dega Juridike, Dega Mësimore, Sektori i Statistikës dhe Informacionit dhe studenti aplikant.

Ky urdhër hyn në fuqi menjëherë.


Prof. Petrit MALAJ
REKTOR
UNIVERSITETI I ARTEVE

